



Centre for Financial
Reporting Reform



WORLD BANK GROUP
Governance



FRCoP

Financial
Reporting
Community
of Practice



EU-REPARIS is funded by
the European Union
and is a part of WB EDIF.

NAPREDOVANJE U REGULIRANJU RAČUNOVODSTVA I REVIZIJE: UNAPREĐIVANJE USKLAĐENOSTI KROZ BOLJE SPROVOĐENJE I ADEKVATNE ZAHTJEVE ZA NEFINANSIJSKO IZVJEŠTAVANJE

24. i 25. oktobar 2017. godine
Beč, Austrija

CFRR»

Centre for Financial Reporting Reform



Centre for Financial Reporting Reform (CFRR)
Governance Global Practice, The World Bank

Address: Praterstrasse 31, 1020 Vienna, Austria
Web: www.worldbank.org/cfrr
Email: cfrr@worldbank.org
Phone: +43-1-217-0700

NAPREDOVANJE U REGULIRANJU RAČUNOVODSTVA I REVIZIJE: UNAPREĐIVANJE USKLAĐENOSTI KROZ BOLJE SPROVOĐENJE I ADEKVATNE ZAHTJEVE ZA NEFINANSIJSKO IZVJEŠTAVANJE

24-25. oktobar 2017. godine, Beč, Austrija

PREDGOVOR

Tijela za javni nadzor nad revizijom imaju važnu ulogu u regulisanju, superviziji, te ocjenjivanju rada statutarnih revizora. Eksterne evaluacije koje oni obavljaju doprinose jačanju kvaliteta revizije, unapređujući time povjerenje investitora u finansijske informacije koje objavljaju društva. Širok svijeta se koriste različiti modeli nadzora, ali svi imaju za cilj da unaprijede kvalitet revizije, između ostalog kroz bolju primjenu standarda revizije.

Djelotvorni sistemi nadzora često sarađuju sa drugim supervizijskim nadležnim institucijama, razmjenjujući informacije od zajedničkog interesa, te omogućavajući svima da doprinesu kvalitetu finansijskog izvještavanja kroz bolje računovodstvene i revizorske prakse. Veći stepen transparentnosti koji donose te unapređene prakse podržava povjerenje između ekonomskih aktera i doprinosi učinku društava i njihovoj otpornosti, kako u finansijskom, tako i u nefinansijskom smislu. Godišnji izvještaji predstavljaju važan medij kroz koji društva objelodanjuju informacije eksternim interesnim stranama, vezano za učinak, strategiju, rizike, te prilike za rast. Kroz te izvještaje društva takođe treba da obezbijede tačan i pravičan uvid u svoje operacije za godinu i finansijsku poziciju na kraju godine.

U porastu je broj zahtjeva koji se odnose na transparentnost, a vezani su za „nefinansijsko izvještavanje“, uglavnom za subjekte od javnog interesa. U EU se od tih subjekata zahtijeva da pripreme i objave različite izvještaje i obračune, uključujući izvještaj uprave, nefinansijsku izjavu, izjavu o korporativnom upravljanju, izvještaj o plaćanjima vladama. Na njih mogu da se odnose i dodatne zakonske obaveze koje propisuju pojedinačne zemlje. Nefinansijsko izvještavanje dodaje vrijedne informacije o širim pitanjima nezavisnosti, etičkim standardima, učinku, te perspektivama, kako bi se pomoglo u kompletiranju šire slike društva, čime se doprinosi boljoj transparentnosti.

Ciljevi radnog seminara su da se prošire znanja učesnika o ulozi i praksama javnog nadzora nad revizijom i sistema za obezbjeđivanje kvaliteta, između ostalog njihovom izvještavanju. U okviru radnog seminara će se takođe razmatrati elementi nefinansijskog izvještavanja koje pripremaju društva u Evropskoj Uniji (EU). Diskusije će se zasnovati na primjerima iz različitih zemalja širom svijeta, a naglašće relevantne zakonske zahtjeve pravnih tekovina EU.

U toku radnog seminara će učesnici imati priliku da razmjenjuju znanja i uče jedni od drugih i priliku za interakciju sa ekspertima na međunarodnom nivou, koji će ponuditi svoja znanja i iskustva u reformi za jačanje javnog nadzora nad revizijom i sistema za obezbjeđivanje kvaliteta u raznim dijelovima svijeta.

Radni seminar će okupiti učesnike iz dva regionalna projekta, koji obuhvataju 12 zemalja, tj. [STAREP](#) (Jermenija, Azerbejdžan, Bjelorusija, Gruzija, Moldavija i Ukrajina) i [EU-REPARIS](#) (Albanija, Bosna i Hercegovina, Kosovo, Makedonija, Crna Gora i Srbija).

DNEVNI RED | DAN 1 | UTORAK, 24. OKTOBAR 2017. GODINE

ZAJEDNIČKE SESIJE ZAJEDNICA PRAKSE ZA STAREP I EU-REPARIS

08:30 Registracija i kafa za dobrodošlicu

08:45 Pozdravne napomene

Jarett Decker | Šef, Centar za reformu finansijskog izvještavanja (Centre for Financial Reporting Reform - CFRR), Svjetska banka

08:55 Ciljevi i svrha zajedničkih sesija za STAREP i EU-REPARIS

Andrei Busuioc | Viši specijalista za finansijsko upravljanje, CFRR, Svjetska banka
Pascal Frerejacque | Viši službenik za operacije, CFRR, Svjetska banka

09:00 Ispunjavanje zahtjeva vezanih za nadzor nad revizijom i očekivanja: poređenje izvještajnih praksi

U okviru sesije obezbijediće se pregled zakonskih zahtjeva i međunarodnih odrednica za izvještavanje tijela za nadzor nad revizijom. Koristiće se ilustrativni primjeri iz zemalja širom svijeta, a podijeliće se i rezultati fokusirane ankete koja je sprovedena među predstavnicima zemalja koje učestvuju u programima CFRR. Publika će takođe biti ukratko obaviještena o iskustvima Tijela za nadzor nad revizijom Njemačke, vezano za izvještavanje opšte javnosti. Nakon te prezentacije uslijediće diskusije i razmišljanja o različitim modelima i kako bi oni mogli da budu adaptirani prilikama u različitim zemljama čiji predstavnici učestvuju na radnom seminaru.

Abbas Kizilbash | Viši specijalista za finansijsko upravljanje, CFRR, Svjetska banka

Julia Rendschmidt | Vršilac dužnosti šefa jedinice EU za međunarodne poslove, Njemačko tijelo za nadzor nad revizijom
Moderator:

Pascal Frerejacque | Viši službenik za operacije, CFRR, Svjetska banka

10:30 Pauza za kafu

11:00

Omogućavanje supervizijskog približavanja: djelotvorna i konzistentna primjena novog zakonskog okvira EU za reviziju

Komitet evropskih tijela za nadzor nad revizijom (Komitet evropskih tijela za nadzor nad revizijom - CEAOB) je novi okvir za saradnju između državnih tijela za nadzor nad revizijom na nivou EU. Njegova uloga je jačanje nadzora nad revizijom širom EU, što je ključni cilj novog zakonskog okvira EU za statutarnu reviziju, koji je stupio na snagu 17. juna 2016. godine. Na ovoj sesiji će učesnici biti upoznati sa glavnim funkcijama i odgovornostima CEAOB, uključujući izvještavanje opšte javnosti, saradnju među tijelima za nadzor nad revizijom, te dosezanje do zemalja koje nisu članice EU. Naglašće se i izazovi u implementaciji Regulative br. 537/2014 sa fokusom na obezbjeđivanje kvaliteta. Nakon prezentacije će uslijediti sesija pitanja i odgovora.

Ralf Bose | Predsjedavajući, Komitet evropskih tijela za nadzor nad revizijom; Glavni izvršni direktor Njemačkog tijela za nadzor nad revizijom

Moderator:

Andrei Busuioc | Viši specijalista za finansijsko upravljanje, CFRR, Svjetska banka

12:30

Ručak

13:30

Dodavanje vrijednosti kroz nefinansijsko izvještavanje

Finansijsko izvještavanje je neophodno. Ipak, regulatorni pristup koji se fokusira isključivo na objelodanjivanje finansijskog učinka ne funkcioniše. Prema tome, nije iznenađujuće to da regulatori u sve većoj mjeri naglašavaju važnost „nefinansijskog“ izvještavanja. Međutim, jednostavno dodavanje novih zahtjeva za izvještavanje i objelodanjivanje neće biti uspješno, jer samo proizvodi „zamor od izvještavanja“. U okviru ove sesije govornik će razmatrati kako zahtjevi za „nefinansijskim“ izvještavanjem pružaju priliku za dodavanje vrijednosti. Sesija će se fokusirati na sljedeće teme: (i) poglavje izvještaja uprave koji se odnosi na odbor za reviziju; (ii) izvještaj o plaćanjima vlasti; te (iii) izjava o korporativnom upravljanju.

Erik P.M. Vermeulen | Profesor poslovnog i finansijskog prava, Univerzitet u Tilburgu i Pravni i ekonomski centar Tilburg

Moderator:

Natalie Manuilova | Viši specijalista za finansijsko upravljanje, CFRR, Svjetska banka

15:00

Pauza za kafu

15:30

Interakcija između supervizora finansijskog sektora, revizora, te drugih supervizijskih nadležnih institucija

U okviru ove sesije razmatraće se kako interakcije između supervizora finansijskog sektora, revizora, te drugih supervizorskih nadležnih institucija, uključujući tijela za javni nadzor, mogu da ojačaju finansijsko izvještavanje, kao i bonitetno izvještavanje, te smanje asimetriju u informacijama. Redovne razmjene informacija između supervizora finansijskog sektora, revizora, te tijela za javni nadzor mogle bi da omoguće svih uključenim stranama da djelotvorno obavljaju svoje dužnosti. Nakon prezentacije uslijediće grupna diskusija.

Pascal Frerejacque | Viši službenik za operacije, CFRR, Svjetska banka

Moderator:

Natalie Manuilova | Viši specijalista za finansijsko upravljanje, CFRR, Svjetska banka

17:00

Kraj prvog dana

- Grupna večera /Detalji će biti objavljeni/

DNEVNI RED | DAN 2 | SRIJEDA, 25. OKTOBAR 2017. GODINE

08:30

Jutarnja kafa

09:00

Na putu ka jačanju javnog nadzora

U toku ove interaktivne sesije predstavnici svake zemlje će mapirati dokle su došli na putu ka ojačanom sistemu javnog nadzora. Predstavnici će okvirno zacrtati status svoje tabele transponovanja i unapređenja zakonskog okvira na polju revizije i javnog nadzora. Naglašice tri najvažnije snage novije reforme revizije u svojim zemljama, kao i tri glavna pitanja ili izazova koji otežavaju usvajanje unapređenog zakonskog okvira i sprovođenje principa nadzora nad revizijom, uključujući njihov akcioni plan za usklađenost do 2018. godine. Osoblje CFRR i ostali eksperti će omogućiti diskusije nakon prezentacije svake od zemalja i daće relevantne komentare i uvide.

Prezentatori: **Predstavnici iz svake od šest zemalja učesnica (Albanija, Bosna i Hercegovina, Kosovo, Makedonija, Crna Gora i Srbija)**

Moderator:

Pascal Frerejacque | Viši službenik za operacije, CFRR, Svjetska banka

Ranjan Ganguli | Konsultant za finansijsko upravljanje, CFRR, Svjetska banka

10:30 Pauza za kafu

11:00 Na putu ka jačanju javnog nadzora - NASTAVAK

12:00 Ručak

13:00 Razmjenjivanje rezultata programa inspekcija za obezbjeđivanje kvaliteta:
kolegijalno učenje

Fokus ove sesije biće na pitanjima vezanim za inspekciju za obezbjeđivanje kvaliteta, koju obavljaju tijela za javni nadzor ili profesionalna računovodstvena udruženja. Govornici iz Makedonije, Srbije, Albanije, te Kosova pozivaće se na različite aspekte inspekcija za obezbjeđivanje kvaliteta, koristeći ilustrativne primjere iz svojih programa inspekcije, naglašavajući tipične nalaze, te ukazujući na glavne izazove i rezultate koji su postignuti. Nakon prezentacija uslijediće sesija pitanja i odgovora i diskusija sa učesnicima o prikladnim rješenjima za njihove zemlje (delegacija svake od zemalja će obezbijediti povratne informacije).

Marjonka Nikolovska | Inspektor za kvalitet, Institut ovlaštenih revizora Republike Makedonije (IORRM)

Boško Vidaković | Generalni sekretar, Komora ovlaštenih revizora Srbije

Hysen Cela | Predsjednik odbora, Institut ovlaštenih kvalifikovanih revizora Albanije (IEKA)

Dritan Fino | Direktor, Odjeljenje za harmonizaciju finansijskog upravljanja i kontrole, Ministarstvo finansija, Republika Albanija

Arbër Hoti | Odjeljenje za usluge za članstvo, Društvo ovlaštenih računovođa i revizora Kosova

Moderatori:

Ralf Bose | Predsjedavajući, Komitet evropskih tijela za nadzor nad revizijom; Glavni izvršni direktor Njemačkog tijela za nadzor nad revizijom

Ranjan Ganguli | Konsultant za finansijsko upravljanje, CFRR, Svjetska banka

15:00 Pauza za kafu

Zajedničke sesije zajednica prakse programa STAREP i EU REPARIS

15:30 Sažeti pregled radnog seminara i naredni koraci

Na ovoj sesiji će se zajednički izvući ključne poruke koje treba ponijeti za dvije zajednice i timove. Zatražiće se i povratne informacije o radnom seminaru, u poređenju sa deklarisanim ciljevima, sa ciljem pomaganja u oblikovanju dnevnog reda za buduće radne seminare.

Moderatori:

Andrei Busuioc | Viši specijalista za finansijsko upravljanje, CFRR, Svjetska banka

Pascal Frerejacque | Viši službenik za operacije, CFRR, Svjetska banka

16:45 Zaključne napomene

Jarett Decker | Šef, CFRR, Svjetska banka

17:00 Završetak radnog seminara

BIOGRAFIJE GOVORNIKA



JARETT DECKER

Head, Centre for Financial Reporting Reform, World Bank

Jerry je CPA sa kvalifikacijama iz SAD-a i pravnik koji se priključio Svjetskoj banci u maju 2014. godine. U Banci je Jerry savjetovao ministarske zvaničnike, članove odbora za reviziju, odbore za javni nadzor, te profesionalne organizacije za računovodstvo o reformi korporativnog finansijskog izvještavanja, sa posebnim naglaskom na regulisanje revizije, obezbjeđivanje kvaliteta revizije, te nezavisni nadzor. Nedavno je osmislio program tehničke podrške za Srbiju, obezbjeđivao je tehničke savjete za klijente u Poljskoj i širom istočne Evrope, a radio je sa kolegama iz Banke u regionu istočne Azije i Pacifika na razvoju tehničke podrške za regulatore revizije u jugoistočnoj Aziji.

Od 2006. do 2014. godine Jerry je radio kao zamjenik direktora i glavni parnični savjetnik za Odbor za nadzor računovodstva javnih društava (Public Company Accounting Oversight Board - PCAOB), tijelo koje je stvoreno na osnovu Akta Sarbanes-Oxley za regulisanje revizora društava čijim hartijama od vrijednosti se trguje na tržištima u SAD. Kao prvo lice koje je obavljalo tu ulogu, bio je odgovoran za uspostavljanje i vođenje programa PCAOB za disciplinske postupke, prije svega za nedovoljno dobre revizije. Jerry je vodio prvi uspješni disciplinski postupaj PCAOB protiv revizora iz „velike četvorke“ i drugih firmi iz međunarodnih mreža. Pomagao je i u organizovanju Radne grupe za sprovođenje Međunarodnog foruma nezavisnih regulatora revizije (International Forum of Independent Audit Regulators - IFIAR). Prije nego što se priključio PCAOB, Jerry je radio kao viši parnični savjetnik za Komisiju za hartije od vrijednosti SAD-a (Securities and Exchange Commission - SEC) u Čikagu, gdje je obavljao pravno gonjenje slučajeva prevara u računovodstvu, reviziji i oblasti hartija od vrijednosti.



ANDREI BUSUIOC

Viši specijalista za finansijsko upravljanje, CFRR, Svjetska banka

Andrei Busuioc ima više od 20 godina iskustva u računovodstvu i reviziji i u privatnom i u javnom sektoru, kao i u univerzitetskoj nastavi iz računovodstva i revizije. Pridružio se Centru za reformu finansijskog izvještavanja (CFRR) Svjetske banke u Beču, u Austriji, 2008. godine i bio je odgovoran za program reforme finansijskog izvještavanja u velikom broju zemalja. Znatno je doprinjeo nekolicini izvještaja o poštivanju standarda i

kodeksa (Reports on the Observance of Standards and Codes - ROSC) za računovodstvo i reviziju, a ima stručna znanja u tematskim oblastima regulisanja revizije i rukovođenja preduzećima u državnom vlasništvu.

Prije nego što se priključio CFRR, Andrei je radio u Rezidentnoj kancelariji Svjetske banke u Moldaviji, kao specijalista za finansijsko upravljanje, radeći na povjereničkim aktivnostima, razvoju upravljanja javnim finansijama, te razvoju korporativnog finansijskog izvještavanja. On je po profesiji računovođa i član je Udruženja ovlaštenih kvalifikovanih računovođa Ujedinjenog kraljevstva (Association of Chartered Certified Accountants - ACCA). Andrei je diplomirao ekonomiju na Državnom poljoprivrednom univerzitetu Moldavije i doktorirao je ekonomiju na Akademiji ekonomskih studija Moldavije.

Takođe ima postdiplomsku diplomu iz upravljanja javnim finansijama iz Centra za finansijske i upravljačke studije Univerziteta u Londonu. Govori rumunski, ruski, engleski, a koristi i osnovni nivo bugarskog i njemačkog.




PASCAL FRÈREJACQUE

Viši službenik za operacije, CFRR, Svjetska banka

Pascal Frèrejacque savjetuje nekoliko zemalja u Evropi i srednjoj Aziji o jačanju njihovog finansijskog izvještavanja, korporativnom upravljanju, te praksama revizije, koordinirajući taj program za finansijski sektor između regionalnih programa CFRR, EU-REPARIS and STAREP. Vodio je sprovođenje programa za zemlje o reformi računovodstva i revizije i monitoring preduzeća u državnom vlasništvu u Hrvatskoj, Češkoj, te Srbiji.

U okviru CFRR je Pascal vodio proces objavljivanja nekoliko izvještaja ROSC, te druge proizvode znanja: Računovodstvo i revizija u korporativnom sektoru u EU (2015. godine), Supervizori banaka i revizori: Izgradnja konstruktivnog odnosa (2016. godine), Vodič za pregledanje finansijskih izvještaja za supervizore (2017. godine), Priključenje Hrvatske EU: studije slučajeva o reformi računovodstva i revizije (2017. godine).

Priključio se Svjetskoj banci 2007. godine, donoseći sa sobom 20 godina međunarodnog iskustva u reviziji i savjetovanju, što uključuje rad za MMF, funkciju menadžera za reviziju za međunarodne bankarske grupacije koje se kotiraju na berzi, te upravljanje angažmanima korporativnog upravljanja u firmama Arthur Andersen i Ernst & Young.



ABBAS KIZILBASH

Viši specijalista za finansijsko upravljanje, CFRR, Svjetska banka

Abbas Kizilbash je specijalista za finansijsko izvještavanje, korporativno upravljanje i internu reviziju, a priključio se CFRR 2017. godine i tu radi na tematskim oblastima reguliranja revizije i računovodstva i izvještavanja javnog sektora. Kvalifikovan je ovlašteni računovođa i sertifikovani interni revizor sa preko 20 godina raznolikog iskustva u reviziji, obezbjeđivanju, finansijskom upravljanju, te korporativnom rukovođenju iz javnog i privatnog sektora. Prije nego što se priključio Banci, Abbas je radio u Azijskoj razvojnoj banci na Filipinima, gdje je bio odgovoran za osiguravanje robusnosti finansijskih due diligence pregleda koji su sprovođeni za projekte širom raznih zemalja u regionu Azije i Pacifika. Pored toga, upravljao je aktivnostima tehničke podrške za jačanje sistema za obezbjeđivanje kvaliteta, razvojem rješenja za elektronsko učenje za Međunarodne standarde za računovodstvo u javnom sektoru, kao i razvojem dijagnostičkih izvještaja o sistemima upravljanja javnim finansijama u različitim zemljama. Abbas je takođe radio za Komisiju za hartije od vrijednosti Pakistana, te za forme Ernst & Young i PricewaterhouseCoopers, sa različitim funkcijama.



JULIA RENDSCHMIDT

Vršilac dužnosti šefa Divizije EU za međunarodne poslove, Tijelo za nadzor revizora, Federalna kancelarija za ekonomski poslovi i kontrolu izvoza, Njemačka

Julia Rendschmidt je vršilac dužnosti šefa Divizije EU za međunarodne poslove i njemačkog tijela za nadzor revizora (AOB). Njena stručna oblast je međunarodna saradnja. Julijina karijera u oblasti nadzora revizora počela je 2007. godine, kada se priključila instituciji koja je bila prethodnik AOB. Pokrenula je i nekoliko godina vodila projekt za dosezanje u okviru Međunarodnog foruma nezavisnih regulatora revizije (International Forum of Independent Audit Regulators - IFIAR), osmisnila pružanje podrške i smjernica zemljama koje nisu članice pri uspostavljanju nezavisnih sistema nadzora nad revizijom. Bila je odgovorna i za pravne ocjene sistema za nadzor nad revizorima u određenom broju oblasti odgovornosti zemalja kandidata za članstvo u IFIAR-u. Julia takođe podržava generalnog direktora AOB, Ralfa Bosea, u njegovo funkciji predsjedavajućeg Komiteta evropskih tijela za nadzor nad revizijom (CEAOB) i člana Odbora IFIAR-a. Ona je takođe vršilac dužnosti člana u podgrupu CEAOB za adekvatnosti i ekvivalentnost. Julia je diplomirala pravo na Slobodnom univerzitetu Berlinu u Njemačkoj. Od 2003. do 2006. godine radila je kao pravnik u Berlinu i Visbadenu. Nakon toga se priključila Komori psihoterapeuta u jednoj od federalnih država Njemačke, gdje je bila savjetnik izvršnog direktora i odgovorna za sistem istraga i sankcija.



RALF BOSE

Generalni direktor, Tijelo za nadzor revizora, Federalna kancelarija za ekonomski pitanja i kontrolisanje izvoza, Njemačka

Ralf Bose je preuzeo ulogu generalnog direktora kada je nova nadležna institucija za nadzor nad revizorima u Njemačkoj uspostavljena, 17. juna 2016. godine. On je ranije, od 2012. godine, bio šef jedinice za inspekcije u instituciji koja je prethodila AOB, komisiji za nadzor nad revizorima Njemačke, i bio je odgovoran za inspekciju revizora subjekata od javnog interesa.

Ralfova karijera je počela u KPMG-u u Frankfurtu 1991. godine, u Odjeljenju za finansijske usluge. U toku svog rada u KPMG-u je položio ispit za kvalifikaciju za kvalifikovanog revizora u Njemačkoj i promotivan je u partnera 2001. godine. Kao partner je bio odgovoran za reviziju mnogih različitih kreditnih institucija koje su radile na međunarodnom nivou, kako sa investicionim, tako i sa maloprodajnim bankarstvom. Opsluživao je i klijente koji su se kotirali na berzi i klijente koji se nisu kotirali na berzi u sektorima korporativnog bankarstva i transakcionog bankarstva i u poslovanju privatnih kapitalnih fondova / preduzetničkih fondova. Ralf je kasnije bio izvršni partner (jedan od šefova) Odjeljenja za revizorske finansijske usluge KMPG u Njemačkoj, i bio je odgovoran za funkcije finansija, organizacije, te ljudskih resursa.

U julu 2016. godine Ralf je izabran za prvog predsjedavajućeg novouspostavljenog Komiteta evropskih tijela za nadzor nad revizijom (CEAOB). U aprilu 2017. godine imenovan je za člana odbora Međunarodnog foruma nezavisnih regulatora revizije (IFIAR).



ERIK P.M. VERMEULEN

Profesor poslovnog i finansijskog prava, Univerzitet u Tilburgu i Centar za pravo i ekonomiju u Tilburgu (TILEC), Nizozemska

straživački rad Erika Vermeulena fokusiran je na Rukovođenje u budućnosti. Opšti cilj Rukovođenja budućnosti je da se razumije kakva vrsta okruženja do maksimuma povećava prilike za uspjeh u digitalnom svijetu. To uključuje društvene medije, kolegijalne platforme, internet stvari, tehnologiju blokova lanaca, masovne podatke, robotiku, te vještačku inteligenciju. Rukovođenje u budućnosti svodi se na identifikovanje gradivnih elemenata i regulatorne arhitekture koja može da poveća produktivnost poslovanja i kreativnost i osjećaj ispunjenosti svih interesnih strana.

Erik je takođe šef Rukovođenja u kompaniji Philips Lighting (tehnološko društvo) u Nizozemskoj. Erikova inspirativna i inovativna gledišta o poslovanju i rukovođenju su privukla međunarodnu pažnju. On redovno služi kao stručni savjetnik za međunarodne organizacije. Pojavljivao se na mnogim konferencijama kao glavni ili prateći govornik. Koristi Medium, Twitter i LinkedIn za razmjenjivanje uvida u to kako digitalni svijet mijenja način na koji živimo, radimo i igramo se.



NATALIE MANUILOVA

Viši specijalista za finansijsko upravljanje, CFRR, Svjetska banka

Natalie Manuilova je viši specijalista za finansijsko upravljanje pri CFRR Svjetske banke. Ona se fokusira na reforme korporativnog finansijskog izvještavanja i revizije u zemljama koje su njeni klijenti, uključujući Bjelorusiju, Gruziju, Ukrajinu i Kirgistan. Natalie je angažovana na napredovanju reformi koje imaju za cilj povećavanje stepena finansijskog preuzimanja odgovornosti i transparentnosti preduzeća u državnom vlasništvu širom regiona Evrope i srednje Azije (Europe and Central Asia - ECA). Natalie ima 16 godina iskustva u radu na finansijskim tržištima širom regiona ECA i u Sjedinjenim Državama. Prije nego što se priključila timu CFRR, Natalie je radila za Međunarodnu finansijsku korporaciju (International Finance Corporation - IFC) u Ukrajini, na investicijama sa finansijskim institucijama iz privatnog sektora širom regiona ECA i kao supervizor za portfolio IFC-a u Ukrajini i Gruziji. Prije IFC-a, Natalie je radila za Deloitte u Kijevu, u Ukrajini i u Njujorku, u SAD-u, kao menadžer za revizije, opslužujući klijente u Grupaciji za finansijske usluge. Diplomirala je ekonomiju na Državnom univerzitetu u Kijevu, 2000. godine, na smjeru za računovodstvo i reviziju. Natalie je sertifikovani profesionalni računovođa, a članica je Američkog instituta sertifikovanih javnih računovođa od 2001. godine.



MARJONKA NIKOLOVSKA

Inspektor za kvalitet, Institut ovlaštenih revizora Republike Makedonije

Marjonka Nikolovska se priključila Institutu ovlaštenih revizora Republike Makedonije (ICARM) u februaru 2013. godine, kao inspektor za kvalitet. Njen fokus je na jačanju funkcije kontrole kvaliteta revizije u ICARM. To uključuje daljnje razvijanje metodologije za kontrolu kvaliteta revizije ICARM, koordinaciju procesa planiranja programa inspekcije za obezbjeđivanje kvaliteta, sprovođenje inspekcija za obezbjeđivanje kvaliteta na terenu, finaliziranje izvještaja o inspekcijskim rezultatima za obezbjeđivanje kvaliteta, te komunikaciju sa revizorskim firmama.

Prije toga, Marjonka je 13 godina radila u Ernst & Young, Makedonija. Njena karijera je počela u martu 2001. godine u odjeljenju za računovodstvo, a nakon toga je promovisana na mjesto menadžera revizije. Bila je odgovorna za opsluživanje mnogih domaćih i međunarodnih klijenata u različitim sektorima privrede. Od 2009. do 2013. godine Marjonka je uz to bila predsjedavajuća Odbora za standarde revizije u ICARM, a bila je i ocjenjivač na ispitima za sertifikaciju revizora za predmete revizija i obezbjeđivanje i Napredna revizija.

Marjonka je kvalifikovani sertifikovani revizor i ovlašteni računovođa u Makedoniji, sa preko 18 godina iskustva u obezbjeđivanju kvaliteta u reviziji, reviziji, finansijskom izvještavanju i računovodstvu. Ona je diplomirala na Univerzitetu Ćirilo i Metodije, na Ekonomskom fakultetu, na smjeru Upravljanje finansijskim računovodstvom.



BOŠKO VIDAKOVIĆ

Generalni sekretar, Komora ovlaštenih revizora Srbije

Boško Vidaković je generalni sekretar Komore ovlaštenih revizora od 2008. godine. U toj ulozi radi na organizaciji revizorske profesije u Republici Srbiji, te usvajanju direktiva EU u zakonski okvir u Srbiji. Održava bliske veze sa domaćim i međunarodnim organizacijama sa ciljem osiguravanja napredovanja revizorske profesije u Republici Srbiji.

Boško je diplomirao na Pravnom fakultetu Univerziteta u Beogradu.



HYSEN CELA

Predsjednik odbora, Institut ovlaštenih kvalifikovanih revizora Albanije (IEKA)

Prof. Dr. Hysen Cela je predsjednik Instituta ovlaštenih kvalifikovanih revizora Albanije (IEKA). Izabran je za predsjednika nakon što je nekoliko godina radio kao izvršni direktor IEKA. Član je Državne grupe za reformu implementacije finansijskog izvještavanja u Albaniji.

Hysen je aktivno angažovan u radu sa akademskim krugovima i predavač je na Ekonomskom fakultetu Univerziteta u Tirani, na drugim javnim i privatnim univerzitetima u Albaniji i inostranstvu, te pri profesionalnim računovodstvenim tijelima u Albaniji i Kosovu, za različite predmete, kao što su Revizija i obezbjeđivanje, uključujući MSR, Finansijsko izvještavanje, Poslovna i profesionalna etika, MSFI, itd.

Nakon što je završio univerzitetske studije iz ekonomije 1983. godine, Hysen je radio u mnogo različitim poslovnim subjekata, kako u državnom, tako i u privatnom vlasništvu, uključujući subjekte koji rade u proizvodnji, distribuciji i uslugama. Doktorirao je 2002. godine i postao profesor 2015. godine.

Hysen ima profesionalna zvanja Sertifikovanog računovođe, te Sertifikovanog javnog računovođe, te radi u javnoj praksi kao izvršni partner u revizorskoj firmi Crowe Horwath AL, koja je članica mreže Crowe Horwath International. Član je ExCom u Fédération des Experts-Comptables Méditerranéens (FCM); šef je Odbora za reviziju u Nacionalnoj komercijalnoj banci Albanije (BKT); član je Nadzornog odbora Agencije za reviziju projekata EU IPA; te član Nacionalne komisije za izbor i evaluaciju državnih službenika višeg nivoa (TND).



DRITAN FINO

Direktor, Odjeljenje za harmonizaciju finansijskog upravljanja i kontrole, Ministarstvo finansija, i predsjedavajući Odbora za javni nadzor nad statutarnim revizorima Republike Albanije

Dritan Fino je direktor Direkcije za harmonizaciju finansijskog upravljanja i kontrole pri Ministarstvu finansija i privrede Albanije.

Njegove glavne odgovornosti su vezane za pitanja revizije, računovodstva i finansijskog upravljanja i kontrole. Takođe je predsjedavajući Odbora za javni nadzor nad statutarnim revizorima Republike Albanije, imenovan 24. marta 2017. godine, sa mandatom od 4 godine.

Dritan je ranije predavao i istraživao u oblastima vezanim za finansijsko i menadžment računovodstvo, državne i međunarodne standarde u računovodstvu, javnim finansijama itd. Od 2007. godine predavao je na različitim ustanovama u Japanu, Sloveniji, Švajcarskoj, Albaniji, kao što su Univerzitet Kyushu Sangyo, Centar izvrsnosti u finansijama, Švajcarska škola ekonomije, Univerzitet u Tirani itd. Kao dio svog akademskog angažmana objavio je i nekoliko naučnih članaka. Ostala profesionalna iskustva uključuju angažmane kao šef Komisije za kvalifikaciju i sertifikaciju javnih internih revizora, član nadležne institucije za registraciju pri Institutu ovlaštenih kvalifikovanih revizora Albanije, član Odbora za zapošljavanje državnih službenika itd.

Dritan je 2002. godine diplomirao na smjeru Finansije i računovodstvo na Univerzitetu u Tirani. Od 2004. godine pohađao je postdiplomske studije u Japanu, na osnovu stipendije prestižnog programa Monbukagakusho, a magistrirao je 2007. godine, nakon čega je doktorirao finansije i računovodstvo 2010. godine.



ARBËR HOTI

Odjeljenje za usluge za članstvo, Društvo ovlaštenih računovođa i revizora Kosova

Arbër Hoti je zadužen za razvijanje i implementaciju sistema obezbjeđivanja kvaliteta za članove Društva ovlaštenih računovođa i revizora Kosova (SCAAK). Doprinjeo je razvoju i implementaciji profesionalnih sertifikacija koje SCAAK nudi u oblastima interne revizije, eksterne revizije, te revizije javnog sektora. Član je odbora u Kosovskom vijeću za finansijsko izvještavanje i zadužen je za Odbor za računovodstvene i revizorske standarde. Od 2010. godine Arbër je član akademskog osoblja Ekonomskog fakulteta Univerziteta u Prištini.

Arbër ima iskustva u javnoj praksi sa KPMG, kao i akademska iskustva u predavanju na predmetima finansijskog računovodstva, računovodstva troškova, finansijskog upravljanja, te korporativnih finansija. On je sertifikovani revizor, član SCAAK-a i magistar računovodstva, pošto je magistrirao na Državnom univerzitetu Arizone. Podržavao je Svjetsku banku u izvršavanju studije za poređenje sa odrednicama za obrazovanje na Kosovu.



RANJAN GANGULI

Konsultant za finansijsko upravljanje, CFRR, Svjetska banka

Ranjan Ganguli radi sa CFRR od 2009. godine u okviru različitih programa za finansijsko izvještavanje za korporativni sektor, uključujući izvještaje ROSC za računovodstvo i reviziju, zajednice prakse programa REPARIS, EU-REPARIS i FRTAP, ocjenjivanje profesionalnih računovodstvenih organizacija zemalja i njihovih aranžmana za javni nadzor, te ažuriranje njihovih publikacija.

Ranjan je član Instituta kvalifikovanih računovođa Engleske i Velsa, sa iskustvom i u privatnom i u javnom sektoru u Ujedinjenom Kraljevstvu i u inostranstvu, prije svega u Evropi i srednjoj Aziji, kao i u podsaharskoj Africi. od 1987. do 1998. godine radio je za KMPG i proveo pet godina u Londonu i po dvije godine u Mađarskoj, Rusiji i Češkoj, pomažući pri uspostavljanju njihovih praksi revizije i savjetovanja. Od 1998. do 2001. godine Ranjan je radio kao viši specijalista za finansijsko upravljanje za Svjetsku banku i bio je baziran u Vašingtonu. Od 2001. godine Ranjan je nezavisni konsultant za finansijsko upravljanje, prije svega za Svjetsku banku, ali i za UK DFID, Evropsku komisiju i različite agencije Ujedinjenih nacija. Ranjan je diplomirao na Univerzitetu u Mančesteru, na smjeru za računarstvo i računovodstvo.

